

استبصار

نومبر ۲۰

پنجشنبہ

۲۸ کانون ثانی ۱۳۲۴

کمرک رسومی

کمرک رسومنک ، اخراجات ، ترانسیت ، ادخالات و سیرسفائی اعتباریله درت نوعه منقسم اولدیغنی بیان ایتمشیدم شمدی بورسوم اربعه نك ماهیتلری حقنده بعض ایضاحات و بردکدن صکره ممالک عثمانیه ده کمرک رسومنیجه من القدیم تعقیب اولئان اصول و بوخصوصده دول اجنبیه ایله وقت وقت عقد ایدیلان معاهداتدن بحث ایده جکم .

بر مملکتدن اخراج اولئان محصولات ، و مصنوعات اوزرینه ضرب ایدیلان رسمه اخراجات رسمی دینور . بورسم بر مملکت محصولات و مصنوعاتنک ممالک اجنبیه مرا کر استهلاکیه سنده رواجی سکنه دار ایتدیکی جهتله زراعت و صنایع عملیه نك توسع و ترقیسنه مانع اوله جنی بدیهی بولندیغندن دولتلك اکثری اخراجادن رسم استیفا سندن صرف نظر ایتمشلردر . ممالک سائرده ممائلی بولمیان بعض امتعه واشیادن اخراجات رسمی استیفا سی جائز اوله بیلور پرووشیلی نیرات و غوآنودن بره زلیلیا قهوه دن دولت علیه دخالئن ایتالیا کو کورتدن اخراجات رسمی استیفا ایدرک هزینه لرینه تأمین واردات ایتمکده اولدقلمی کبی انسلکتره دخی ترانسوال محاربه سی آناسند ، معدن کورینک بهر طونیا له سندن برشیلین اخراجات رسمی استیفا ایدرک برسنه ظرفنده ایکی ملیون لیرادن فضله بر مبلغ تأمین ایتمشدر .

مع هذا بویله بر حال استثنائیده بولئان مملکتلر بومثللو مواد اوزرینه ضرب ایده جکلری اخراجات رسمنک بشقه مملکتلرده مواد ممائله ویا انلرک رینه قائم اوله بیله جک بشقه مواد استحصالی اسبابنه توسل ایدلمسنه ویا خود بومثللو موادک استعمالی تحدید ویدادی اولیه جق درجه ده اولسنه دقت ایتلیدرلر . الحاصل ممالک سائرده مثلی اولمیان مواده طرح اولئان رسم ، اجنبی مستهلکلمی طرفندن ایفا اولندینی و مکلفین عملیه نك ده بار مکلفیتی اونسبتده تخفف ایتدیکی جهتله موجب فوائد اولوب بالعکس ممالک سائرده استحصالی قابل اولان مواددن اخراجات رسمی الخمسی بالاده بیان اولئان اسبابه مبنی موجب مضرتدر .

اجنبی بر مملکتدن ینسه اجنبی بر مملکته ادخال اولمق اوزره بر مملکتک اراضیسندن امرار اولنان اشیایه ترانسیت اشیایه و بومثللو اشیانن النان رسیده ترانسیت رسومی دینور . بومثللو اشیایک نقل و امرارینه واسطه اولمق کبی برموقی حازر اولان مملکت ایکی درلو منفعت تأمین ایدر : اولاً اراضیسندن امرار اولنه جق امتعه واشیا کندو اهالیسی طرفته سفینه دن و یا تیوریولی واغونسندن چیقاریله جق کبی سمت مقصوده قدرده وسائط نقلیه مملکت ایله سوق اولنه جقندن هم اهالی همده مملکت مستفید اولور .

و ثانیاً ، بر مملکتدن ترانسیت صورتیه اشیا امراری سایه سنده معاملات تجارتیه ده کرمی پیدا اولور و وسائط نقلیه تکمل ایدر که بوده بشقه جه موجب فوائددر . ایشته بو کبی مطالعاته مبنی دولترک همان کافه سی ترانسیت رسومی الغا ایتدکدن بشقه بویوله نقلیاتک موجب اولدینی فوائدی کندو تبعه لرینه تأمین ایچون ترانسیت تجارتی حقنده پک چوق تسهیلات ابراز ایتملردر .

بر مملکته ادخال اولنان محصولات و مصنوعاتن النان رسومه اخراجات رسومی دینور . ادخالات رسومنک تأثیراتی خزیننه دولت وارداتنده و زراعت و صنایع محلیده کورلدیکی جهتله یا خزیننه واردات تدارکنه مدار برواسطه و یا خود زراعت و صنایعی حایه یه خادم بر تدبیر کبی عد اولنمقده در بر مملکته ده قهوه ، چای و شکر کبی مائالی اولیان محصولاندن و یا خود بغدادی کبی محصول بلده اولان ماده داخل مملکته ده طرح ایدیلان تکالیفه مقابیل اولمق اوزره بومثللو مواددن النان کمرک رسومی مجرد خزیننه دولته واردات تأمین ایتک مقصدینه مستند ایه ده محصولات مملکتدن داخل النان تکالیفدن بر قاج مثلی فضله اوله رق اجنبی بر مملکتک محصولات مائاله سندن حین ادخاله النان رسوم بر مقصد حمایتکاریه مستنددر . مثلاً ممالک اجنبیه دن کلان روغن غاز اوزرینه رسم کمرک طرح اولدینی حالده یرلی روغن غازدن هیچ بر رسم التیه جق اولور ایسه یرلی غاز رقابت اجنبیه قارشو حایه ایدلمش اولور بو تقدیرده غاز قیو صاحبیری استخراج ایتدکاری غازه ، اجنبی غازلره ضرب

ایدیلان رسم کمرک نسبتند بر مبلغی ضم اید جکری جهته بونلرک فیائی ترفع اید جکندن غاز صرف واسه لک ایدنلر بویوزدن خزینه دولته کیرن مبالغت بر قاج مثلی فضله سنی دولته دکل غاز مستخرجی اولان شرکتره ویرمش اولور لر مصنوعاتده طرح اولنان کمرک رسمی دخی محصولات طبیعه دن النان کمرک رسمی مثللو یا خزینه یه واردات تدارک و یا خود صنایع محلیه یی رقابت اجنبیه یه قارشو حمایه ایتمک مقصودینه مستنددر . اکر استیفا اولنان رسم، مضوعات محلیه اوزرینه ضرب ایدیلان رسمه مساوی ایسه خزینه یه واردات تأمین ایچون اتخاذ ایدلمش بر تدبیر عدا اولنور . مواد خلیه دن اولان یامو غک حین ادخالنده رسم کمرک النش ایسه یاموق ایله اعمال اولنان امتعه دن ده رسم کمرک آلتیق لازم کلیر، شاید النیه حق اولور ایسه مضوعات محلیه یه غدر ایدیله جکی و نهایت صنایع دوچار تعطیل اوله جنی بدیهیدر . آلتیق بوندن اولکی مقاله ده بیان اولندیگی وجهله بر آرشون قاشده نه قدر ایسک و یا یاموق و یا یوک بولندیگی تقدیر ایتمک بوسبتون قابل دکل ایسه بیله پک زیاده مشکل اوله جفندن و آزرسم آنور ایسه اجنبی، چوق استیفا ایدیلور ایسه یرلی صنعتکاران حمایه ایدلمش اوله جفندن بوکی محاذیرک وقوعنی منع ایچون مضوعات داخل اولان مواد اصلیه نک رسم کمرکدن معفو اوله رق ادخالنه مساعده اولتیق ده خیر لیدر . علوم اقتصادیه ده یدطولا صاحبی اولان پول لوروأ بولیو «فن تدبیر معاملات مالیه» نام اثرنده اصول حمایتک مضر تندن بحث ایتدیکی صروده شو وجهله بیان مطالعه ایدیلور: «صنایع حاضره نک اقسام عدیده یه منقسم اولدیگی معلومدر . بر «طوب باصمه معاینه ایدلدکده کوریلور که بو باصمه وجوده کلنجه یه قدر بر چوق الدن «یکمشددر . بو عملیات کافه سی یاعین فابریقه ده و یا آرو آرو مؤسسه و صنعتکاران «طرفندن اجرا اولنور . بو عملیات متنوعه نک کافه سی ممالک اجنبیه دن ادخال «ایدیلان مواددن آرو آرو کمرک رسملری استیفا سانه محل ویربور . فرض ایدلمکه «حدوده یاموقدن رسم النش . ایلمک یانیه حق عملیه صنایعیه یامو غی ایلمکه تحویل ایتمکدر . «اجنبی یاموق ایلمک لری کرکده اولایمک اعمالانه خادم اولان یاموق ایچون «فرانسز فابریقه تورک ایفا ایتدیکی رسمه مقابل اولیق اوزره بر رسمه ثانیاً

«وسائط استحصالیه جه فرانسر ارباب صنایعی ایله اجنبی ارباب صنایعی بنینده
 «وجودی ادعا اولنان عدم مساواتی ازاله ایچون بر رسم حمایتکاری به تابع طو تبلیور .
 «پاموق ایپلکاری هم مان موقع استلاکه وضع اولنه حق مواددن اولموب منسوجاتک
 «اعمالنه خادم اولور . اصول حمایتی ترویج ایدن بر مملکت اذخال ایدیله جک
 «اجنبی پاموق منسوجاتی کمرکده نه کی بر رسمه تابع طو تبیله جقدر؟ شبهه یوق که
 «بری دیگرینه ممزوج فقط تفریقی لابد اولان ایکی رسمه تابع اوله جقدر :
 «بری رلی نساچک استعمال ایتدیکی اجنبی پاموق ایپلکار اوزرینه ضرب ایدیلان رسمه مقابل
 «اولان رسم اولوب دیگری وسائط استحصالیه جه فرانسر ارباب صنایعی ایله اجنبی رقیب لری
 «پننده وجودی ادعا اولنان عدم مساواتی ازاله یه مخصوص اولان بر رسم
 «حمایتکاریدر . پاموق منسوجات بعضاً اوله جه موقع فروخته وضع اولنور
 «وبعضاً اوزر لینه رسملر باصله قدن صکره بازاره کتوریلور که ا بوده ابروجه
 «بر مصرفی مستلزم اولدیفندن رسم کمرک النور ایکن بوصوک معامله ده نظر
 «اعتباره النور . مشوش اولدینی قدر معاملات تجاریه یی اشکال ایتدیکی ایچون
 «موجب مضرت اولان بویه بر اصول سایه سنده منفعت خصوصیه تأمین
 «اولنیور . اصول حمایتدن نهایت نه نتیجه حاصل اولدی ؟ هر فابریقه صاحبی ،
 «اعمال ایتدیکی امتعه به مائل اوله رق ممالک اجنبیه دن کلان امتعه به رسوم
 «حمایتکاری وضعی طلب ایتدیکی حالده فابریقه سنده استعمال اولنان مواد
 «اصلیه نك رسم کمرکدن معفو اوله رق اذخالنه مساعده اولمنی ایستیور .
 «مثلا ایپلک فابریقه تورلری ، اعمال ایتدکاری ایپلکارک حمایه اولمنی ادعا
 «ایدیورلر ایه ده اکثری ایپلکارک اعمالنه خادم اولان پاموق ، پیانی ، کتان
 «وایپک قوزه سی کی مواد اصلیه نك رسم کمرکدن معفو اوله رق اذخالنه مساعده
 «اولمنی تمی ایدیورلر نساچلر ، منسوجاتلرینک حمایه سی استدعا ایدیورلر .
 «لکن بونلرک بر جوغی منسوجاتلرینه داخل اولان اجنبی ایپلکارک رسومدن
 «معاف اوله رق اذخالی طلب ایدیورلر . باصمه جیلر دخی اعمال ایتدکاری
 «باصمه ر ایچون ادعای حمایه ایدیورلر ایه ده جمله سی باصمه لرینک اعمالنه

« خادم اولان مواد اصلیه یعنی منسوجات ایچون معافیت رسمیه طلب ایدیورلر .
 « ایشته بوتمنیات ومطالب متخالفه دن طولانی اصول حمایت برازکوشمشدر .
 « برلی بیانی حمایه اولنقی ایچون اجنبی بیاغنه وضع اولسان اغر رسومک یوک
 « ایپلیکی اعمال وممالک اجنبیه به اخراج ایدن فابریقه توره ویوک ایپلیکی حمایه
 « ضمنتده اجنبی ایپلیکنه طرح ایدیلان رسومک یوکلی منسوجات اعمال
 « و اخراج ایدن فابریقه توره ویوکلی منسوجاتک حمایه سی ایچون بولمشلو اجنبی
 « منسوجاتدن التان رسومک دخی البسه اعمال و اخراج ایدن فابریقه توره تحمیل
 « اولندینی اکلشلدی واقعا « رد رسوم » و « موقتاً قبول » کی اصولار وضعی
 « ایله بومحاذیرک دفعنه چالشیلیور لکن بواصولار مشکلات وتأخراتی مستلزم
 « اولدینی جهتله بونلردن ده برفانده کوریه میور . دیملک که اصول حمایت ، جسم
 « بر تجارت خارجیه ایله قابل تألیف دکلدر . ایشته بونک ایچوندرکه مواد
 « اصلیه استعمال ایدن ارباب حرف وصنایعک اکثری اصول حمایت علیهنده
 « بولنیورلر . »

سیرسفان رسومی - اکثر دول غربیه ، مملکتلری داخلنده انشات
 بحریه بی ترغیب ایچون کندوتابعیتلرینه ادخال اولنقی اوزره کندوتابعیتلرینه ادخال اولنقی
 اوزره ممالک اجنبیه دن جلب ایدیلان سفانندن اغر کمرک رسملری استیفا ایستدکلی کی
 اسفار بعیده اجراسنی ده ترویج ایچون یقین اسکلره سیر وسفرو اسفار بعیده اجرا ایدن
 سفان ملیه دن فرقی رسملر آلیورلر . اهالی محلیه دن اولان سفان صاحب رخی ده
 حمایه مقصدیله سفان اجنبیه دن طونیلاته رسمی وساره کی فرقی رسوم استیفا
 ایدیورلر . بوندن ماعدا قابوتاژ تجارتی یعنی بر مملکتک برلیانندن دیگر برلیاننه
 واپور ایشلمسنی سفان ملیه به حصر ایدوب سفان اجنبیه بی قابوتاژ تجارتی
 اجرادن منع ایدیورلر .

ایشته یقین زمانلره قدر بالجمله اروپا دولتلرنجه قبول واتخاذ اولنان اصول
 حمایت بوندن عبارت اولوب نهایت کوریلان لزوم اوزرینه بعض دولتلر یکیدن
 قانونلر یاهرق بعض تعرفه لرده کی فاحش رسومی تنزیل ایتمشلر و بعضیلری دخی

كرك معین و كرك موقت مدتلر ایچون دول سائر ايله معاھدات تجاریه عقدا یتیشلر و نتیجه سنده ایکی درلو كرك تعرفه لری ترتیب ایتیشلر دركه بونلرك برینه تعرفه عمومیه و دیگرینه مقاوله یه مستند تعرفه تعبیر اولنور. تعرفه عمومیه علی العموم ممالك اجنبیه دن کلان امتعه واشیادن آلان رسومی مصرح اولوب مقاوله یه مستند تعرفه ایسه ینلرنده بر معاھده تجاریه موجود اولان مملکتلردن ادخال ایدیلان امتعه واشیادن استیفا ایدیله جك رسومی مصرحدر .

كرك رسومی ایکی صورته استیفا اولنور : بونلردن برینه (ad valorem) و دیگرینه (spécifiques) دینور . (ad valorem) امتعه نك قیمتی اوزرندن یوزده ... غروش رسم كرك ، (spécifiques) ایسه ادخال ایدیلان امتعه دن تعرفه معین رسوم مقداری استیفا ایتمكدن عبارتدر . شمدی برازده استیفاء رسومده تطبیق اولنان بو ایکی صورتی تدقیق ایدم .

یوزده اونبر رسم كركه تابع اولان آمریقان بزی ویا دیگر بر امتعه نك تقدیر قیمتده مال صاحبی ايله كرك ایستیماتورلری آره سنده بر اختلاف ظهور ایدنجه اختلاف فصل اولننجه یه قدر كونلر كچر . مال صاحبی تقدیر اولنان قیمتجه تنزیلات اجراسی ایچون كرك ناظرینه مراجعت ایدر . ناظر آمریقان بزینسك بر طوپی کتیرتیر . معاینه ایدر . مال صاحبی ايله بازارغه کیریشیر . تاجر بدرلو موافقت ایتمز . کیدر ، کلیر نهایت عیناً اشیا براقیر . عیناً اشیا آلقده اوبله قولای قولای بستر بر معامله دکلدر . نه قدر دنك وار ایسه کافه سی جوزیله جك ، ایستیماتور ایستیدیکنی آرمق حقنی حاز اولدینی کبی تاجرده آله جق طوبلرك بر قسمی آرمق حقنی حازدر . عیناً اشیا آلق اصولنجه بعضاً تاجر آلدانش چقیور ایسه ده اکثریا خزینة دولت متضرر اولور . لکن اهمیت رايح اصولك بر جوق معاملات و تأخراتی مستلزم اولمسیدر .

بالعکس اگر آمریقان بزی معرف اولوبده بر آرشونشدن اون باره كرك رسمی آلتسی مقرر ایسه كرك معامله سی معاملات و تأخراته محل ویرمکسزین اجرا اولنور . آنجق تعرفه اصولی دخی محاذپردن سالم دکلدر . اگر معرف اولان

امتنه‌نك فيشانی ترقی ویا تدنی ایدر ایسه آلمان رسوم آرتق امتعه‌نك قیمتی نسبتنده اوله‌من. یا فاحش ویا غایت اهمیتسز اوله‌بیلور. بو اصولك بر محذوری ده‌ا واردركه اوده اكتریا اغنیا صنفنك استهلاکاته مخصوص قیمتی اشیا به خفیف و بالعکس فقرای اهالی به مخصوص عادی اشیا به آغز كمرک رسملری تعیین ایدلسندن عبارتدر.

بو ایکی محذورك برنجیسی معلوم بر امتعه‌نك قیمتی دوامی بر صورتده ترقی ویا تدنی ایدر ایسه تعرفه‌نی تزئید ویا تعدیل ایتك و ایکنجیسی دخی امتعه‌نك تفریقی قولای جنسلرینه کوره تعرفه‌ده اوج درت درجه رسم كمرک تعیین ایتك صورتلریله برطرف ایدیله‌بیلور.

تعرفه اصولی بخش‌ایندیکی سهولت وامنیت جهتیه رایج اصولندن قات قات مرجع اولدیغندن الیوم دولت علیه مستثنا اولدینی حلاله بالجمله دولتر وحتی چین طرفندن بیله قبول اولمشدر. امید ایدرزكه مدتلری چوقدن برو منقضیه اولمش معاهدات تجاریه‌نك تجدیدنده تعرفه اصولی قبول ایدیلور و بو سایه‌ده هم خزینه دولت ضایعاتدن همده یرلی و اجنبی تجار تأخراتی مستلزم اولان مزعج معاملاتدن قورتارلش اولور.

قسطنطن

(مابعدی وار)

فرانسه وانساکتره پارلمنتولری

(۱۷ نجی نسخه‌دن مابعد)

ابداع حادثات ایدر. اك كوچوك وقعه‌لری نسبتسز صورتده بویولتور. محتاج اولدینی هیجان افکاری اویاندریر؛ تحریك و تشویق ایدر، دقت ایدیكر؛ ادوار تشوشده غزتله‌رك مقداری فصل آرتار؛ انسان باصره‌دن محروم اولمالیدركه زراعتك، صنعتك، تجارتك موجب ترقیدی، باعث منفعتی اولان احوال غزتله‌رك اولومی دیمك اولدیغنی كوروب تصدیق ایتمه‌سین.

بوکا قارشى احتمال دینیلیركه غزتله‌جیلر مسلكلری مقتضاسی اوله‌رق مسائل